

Na osnovu člana 20. stav a.) Zakona o radu Federacije Bosne i Hercegovine (Službene novine F BiH, broj: 26/16, 89/18, 23/20, 49/21, 103/21, 44/22, 39/24), člana 4. Uredbe o postupku prijema u radni odnos (Službeni glasnik Unsko-Sanskog kantona, broj: 7/19 i 11/19), člana 2. i 2b. Pravilnika o radu JKP „Čistoća“ d.o.o. Cazin, broj: 32-01-42-12/24 od 23.01.2024., Pravilnika o izmjenama i dopunama Pravilnika o radu broj: 32-06-47-8/24 od 18.06.2024. godine, Odluke direktora JKP „Čistoća“ d.o.o. Cazin o potrebi prijema u radni odnos broj: 6-158/25 od 15.05.2025. godine i člana 66. Statuta JKP „Čistoća“ d.o.o. Cazin, broj: 36-SP-9-3/24 od 20.02.2024. godine, direktor JKP „Čistoća“ d.o.o. Cazin dana 19.05.2025. godine raspisuje:

**JAVNI OGLAS**  
**za prijem u radni odnos**

**I - JKP „Čistoća“ d.o.o. Cazin, sa sjedištem na adresi ul. Generala Izeta Nanića bb., 77220 Cazin oglašava potrebu za zapošljavanjem radnika na:**

**- neodređeno vrijeme sa punim radnim vremenom bez predviđenog probnog rada za slijedeća radna mjesta:**

- 1. Radnik na parking u Službi održavanja vozila, parking prostora i javne rasvjete.....1 izvršilac,**
- 2. Radnik na utovaru otpada u Službi za odvoz i reciklažu otpada.....2 izvršioca.**

**-određeno vrijeme u trajanju od (1) jedne godine sa punim radnim vremenom bez predviđenog probnog rada za slijedeća radna mjesta:**

- 3. Vozač specijalnog vozila u Službi za odvoz i reciklažu otpada.....2 izvršioca,**
- 4. Strojari u Službi javne higijene grada, građevinske operative i pijaca.....1 izvršilac,**

**-određeno vrijeme u trajanju od (6) šest mjeseci sa punim radnim vremenom bez predviđenog probnog rada za slijedeća radna mjesta:**

- 5. Radnik na javnoj higijeni i građevinskoj operativi u Službi javne higijene grada, građevinske operative i pijaca..... 1 izvršilac.**

Mjesto obavljanja rada: Područje grada Cazina.

Vrijeme rada: 07:00-15:30 (Izuzeci definisani Pravilnikom o radu Preduzeća)

**II - Opći uslovi koje kandidati moraju ispunjavati**

- Da su državljani Bosne i Hercegovine,
- Da su stariji od 18 godina,
- Da su fizički i psihički sposobni za vršenje poslova navedenog radnog mjesta (izabrani kandidati će biti dužni prije zasnivanja radnog odnosa dostaviti ljekarsko uvjerenje o zdravstvenoj sposobnosti izdano od strane zdravstvene ustanove koje nije starije od jednog (1) mjeseca od dana izdavanja
- Da imaju stepen i vrstu školske spreme potrebne za vršenje poslova radnog mjesta utvrđenog Pravilnikom o radu JKP „Čistoća“ d.o.o. Cazin.

### **III - Posebni uslovi**

#### **1. Radnik na parkingu u Službi održavanja vozila, parking prostora i javne rasvjete na neodređeno vrijeme (1 izvršilac)**

Kratak opis poslova:

Vrši regulaciju i nadzor parkiranja motornih vozila nad svim uspostavljenim parkinzima; vrši kontrolu urednosti parkiranja motornih vozila, vrši kontrolu urednosti plaćanja parking karti, vrši fotografisanje prije i poslije blokade motornih vozila sa uređajem za blokadu točkova tzv. "LISICAMA", vrši naplatu za deblokadu motornih vozila te ispostavlja račun za naplaćenu deblokadu, svakodnevno predaje naplaćeni pazar na blagajnu; vrši kontrolu ispravnosti automata za naplatu parkinga, stara se o urednosti i tehničkoj ispravnosti parkomata te o samoj opremi koju koriste, obavezan je pridržavati se propisa o primjeni HTZ opreme i mjera na radu; obavlja i druge poslove po nalogu nadređenog neposrednog rukovodioca te vodi računa o primjeni Odluke o javnim parkiralištima na području općine Cazin broj: 01/V-23-2408/1 i Pravilnika o korištenju javnih parkirališta JKP "ČISTOČA" d.o.o Cazin broj: 32-7-69-7/11 od 24.08.2011. godine, obavlja i druge poslove po nalogu šefa službe, odnosno direktora preduzeća.

#### **2. Radnik na utovaru otpada u Službi za odvoz i reciklažu otpada na neodređeno vrijeme (2 izvršioca)**

Kratak opis poslova:

Vrši poslove ručnog prikupljanja i utovara otpada u specijalno vozilo (auto-smečar) ili drugo vozilo namijenjeno toj svrsi, vodi računa o kvalitetnom i pažljivom obavljanju opisanih poslova i za istu je odgovoran, kao član posade učestvuje u deponovanju-odlaganju otpada; učestvuje u poslovima održavanja, čišćenja, pranja, podmazivanja specijalnog vozila; obavezan je pridržavati se propisa o primjeni HTZ mjera na radu; obavlja i druge poslove po nalogu vozača specijalnog vozila, šefa službe odnosno direktora Preduzeća.

#### **3. Vozač specijalnog vozila u Službi za odvoz i reciklažu otpada na određeno vrijeme u trajanju od jedne godine (2 izvršilac)**

Kratak opis poslova:

Po nalogu neposrednog rukovodioca vrši poslove rukovanja i upravljanja motornim vozilom za čije vrijeme je dužan da se pridržava zakonskih propisa koji regulišu prijevoz u unutrašnjem cestovnom prometu, bezbjednosti prometa i odredaba pravilnika o posadi motornih vozila i korištenju tahografa, kontroli i evidenciji tahografskih listova; prije upotrebe vozila dužan je izvršiti vizualni i estetski pregled vozila odnosno konstatovati njegovu ispravnost; prije početka obavljanja poslova dužan je uzeti putni i radni nalog uz obavezu pravilnog popunjavanja i vraćanja istog poslije završenog radnog vremena, uredno i tačno voditi putnu i radnu dokumentaciju; manje kvarove na vozilu dužan je sam otkloniti, a o većim dužan je obavijestiti neposrednog rukovodioca; dužan je blagovremeno obavještavati neposrednog rukovodioca o periodičnim, godišnjim i vanrednim potrebama servisiranja motornog vozila; stara se o higijenskom, estetskom izgledu vozila; po obavljenom poslu dužan je parkirati vozilo na unaprijed određeno mjesto; stara se o pravilnom utovaru, bezbjednom i propisnom transportu tereta; odgovoran je za blagovremeno i efikasno obavljanje poslova predviđenim po dnevnoj dinamici, a o svim nastalim problemima na terenu obavezan je odmah obavijestiti neposrednog rukovodioca; lično zadužuje m/v kao sredstvo rada i svu pripadajuću opremu od neposrednog rukovodioca; u slučaju većeg kvara obavezno je prisutan uz vozilo i učestvuje sa mehaničarom u otklanjanju istog; svakodnevno, na kraju radnog dana, vrši kompletno pranje m/v zajedno sa posadom; popunu goriva obavezno vrši uz prisustvo ovlaštenog radnika preduzeća; odgovoran je za primjenu i korištenje HTZ opreme kako za sebe lično tako i za članove svoje posade; odgovoran je za ispravan rad posade kojom neposredno rukovodi; obavlja i druge poslove po nalogu šefa službe, odnosno direktora Preduzeća.

#### **4. Strojari u Službi javne higijene grada, građevinske operative i pijaca na određeno vrijeme u trajanju od jedne godine (1 izvršioc)**

Kratak opis poslova:

Po nalogu neposrednog rukovodioca vrši poslove rukovanja i upravljanja radnim strojem za čije vrijeme je dužan da se pridržava zakonskih propisa koji regulišu prijevoz u unutrašnjem cestovnom prometu, bezbjednosti prometa, prije upotrebe stroja dužan je izvršiti vizualni i estetski pregled vozila odnosno konstatovati njegovu ispravnost; prije početka obavljanja poslova dužan je uzeti radni nalog uz obavezu pravilnog popunjavanja i vraćanja istog poslije završenog radnog vremena, uredno i tačno voditi radnu dokumentaciju; manje kvarove na stroju dužan je sam otkloniti, a o većim dužan je obavijestiti neposrednog rukovodioca; dužan je blagovremeno obavještavati neposrednog rukovodioca o periodičnim, godišnjim i vanrednim potrebama servisiranja stroja; stara se o higijenskom, estetskom izgledu vozila; po obavljenom poslu dužan je parkirati stroj na unaprijed određeno mjesto; stara se o pravilnom radu i manipulacijom stroja u vršenju poslova; odgovoran je za blagovremeno i efikasno obavljanje poslova predviđenim po dnevnoj dinamici, a o svim nastalim problemima na terenu obavezan je odmah obavijestiti neposrednog rukovodioca; lično zadužuje stroj kao sredstvo rada i svu pripadajuću opremu od neposrednog rukovodioca; u slučaju većeg kvara obavezno je prisutan uz stroj i učestvuje sa mehaničarom u otklanjanju istog; svakodnevno, na kraju radnog dana, vrši kompletno pranje stroja što evidentira kroz putnu dokumentaciju; odgovoran je za količinu zaduženog i potrošenog goriva koje mu dostavi ovlašten radnik, te o utrošku goriva uredno vodi dnevnu evidenciju; odgovoran je za primjenu i korištenje HTZ opreme kako za sebe lično tako i za članove svoje posade; obavlja i druge poslove po nalogu Šefa službe, odnosno direktora Preduzeća.

#### **5. Radnik na javnoj higijeni i građevinskoj operativi u Službi javne higijene grada, građevinske operative i pijaca na određeno vrijeme u trajanju od šest mjeseci (1 izvršilac)**

Kratak opis poslova:

Vrši poslove javne higijene grada (ljetni i zimski program); obavlja ručno i mašinsko čišćenje ulica, trgova i ostalih javnih površina (u ljetnom i zimskom periodu); radi na održavanju zelenih površina; odstranjuje uginule biljke; vrši grabljenje travnjaka; niveliše grubo i fino teren za podizanje zelenih površina, obavlja ručno i mašinsko košenje trave; održava živu ogradu - živicu na javnim površinama; obavlja sve vrste kopanja, gnojenja, utovara i istovara svih vrsta materijala; pomaže u rušenju bespravno izgrađenih objekata; obavlja poslove prikupljanja uginulih životinja ili ustrijeljenih pasa lualica; sanaciju terena, u zimskom periodu čisti snijeg sa javnih površina (ulica, trotoara, parkovnih staza, drveća, grmlja, žive ograde), radi i druge poslove koji doprinose čistoći, urednosti i saobraćajnoj funkciji - dionice puta za koju je zadužen, dužan je odazvati se na posao i izvan radnog vremena ako se za to ukaže potreba a po nalogu rukovodioca te obavlja i druge poslove po nalogu Šefa službe, odnosno direktora Preduzeća.

**Kao dokaz o ispunjavanju uslova kandidati su dužni dostaviti slijedeću dokumentaciju:**

##### **Za poziciju pod rednim brojem 1.**

1. Potpisanu prijavu sa kraćom biografijom, adresom, e-mail adresom i kontakt telefonom
2. Izvod iz matične knjige rođenih (original ili ovjerena kopija)
3. Uvjerenje o državljanstvu (original ili ovjerena kopija)
4. Prijavu mjesta prebivališta – CIPS (original ili ovjerena kopija)
5. Diploma o završenoj srednjoj stručnoj školi - KV (tehnički ili društveni smjer) (ovjerena kopija)
6. Dokaz o radnom iskustvu u struci (minimalno 1 godina) – potvrda ili uvjerenje ranijeg poslodavca (original ili ovjerena kopija)
7. Vozačka dozvola „B“ kategorije (ovjerena kopija)

#### **Za poziciju pod rednim brojem 2.**

1. Potpisanu prijavu sa kraćom biografijom, adresom, e-mail adresom i kontakt telefonom,
2. Izvod iz matične knjige rođenih (original ili ovjerena kopija)
3. Uvjerenje o državljanstvu (original ili ovjerena kopija)
4. Prijavu mjesta prebivališta – CIPS (original ili ovjerena kopija)

#### **Za poziciju pod rednim brojem 3.**

1. Potpisanu prijavu sa kraćom biografijom, adresom, e-mail adresom i kontakt telefonom,
2. Izvod iz matične knjige rođenih (original ili ovjerena kopija)
3. Uvjerenje o državljanstvu (original ili ovjerena kopija)
4. Prijavu mjesta prebivališta – CIPS (original ili ovjerena kopija)
5. Diploma o završenoj KV stručnoj spremi – tehnički ili društveni smjer (original ili ovjerena kopija)
6. Dokaz o radnom iskustvu (minimalno 1 godina radnog iskustva nakon stjecanja školske spreme) - potvrda ili uvjerenje ranijeg poslodavca (original ili ovjerena kopija),
7. Vozačka dozvola C kategorije (ovjerena kopija).

#### **Za poziciju pod rednim brojem 4.**

1. Potpisanu prijavu sa kraćom biografijom, adresom, e-mail adresom i kontakt telefonom,
2. Izvod iz matične knjige rođenih (original ili ovjerena kopija)
3. Uvjerenje o državljanstvu (original ili ovjerena kopija)
4. Prijavu mjesta prebivališta – CIPS (original ili ovjerena kopija)
5. Minimalno KV stručna sprema
6. (certifikat/uvjerenje strojara)(ovjerena kopija)
6. Dokaz o radnom iskustvu (minimalno 1 godina radnog iskustva na poslovima strojara) potvrda ili uvjerenje ranijeg poslodavca (original ili ovjerena kopija),
7. Vozačka dozvola C kategorije (ovjerena kopija)

#### **Za poziciju pod rednim brojem 5.**

1. Potpisanu prijavu sa kraćom biografijom, adresom, e-mail adresom i kontakt telefonom,
2. Izvod iz matične knjige rođenih (original ili ovjerena kopija)
3. Uvjerenje o državljanstvu (original ili ovjerena kopija)
4. Prijavu mjesta prebivališta – CIPS (original ili ovjerena kopija)

#### **IV - Ostale informacije o konkursu**

**Konkurs ostaje otvoren 7 dana od dana objave u dnevnim novinama. Obavijest o Javnom konkursu objavljuje se u dnevnim novinama "Oslobođenje", a puni tekst konkursa na internet stranici JKP "Čistoća" d.o.o. Cazin i Javne ustanove "Služba za zapošljavanje Unsko-sanskog kantona" Bihać.**

**Rok za podnošenje prijava počinje teći narednog dana od dana objave.**

**Sva dodatna objašnjenja kandidati mogu dobiti pozivom na broj 037/514-273, 061/276-335.**

Dokumenti koji se prilažu uz prijavu na javni konkurs moraju biti u originalu ili ovjerenoj kopiji i ne smiju biti stariji od 6 (šest) mjeseci. JKP "Čistoća" d.o.o. nije obavezno vraćati dokumentaciju dostavljenu uz prijavu, osim u slučaju priložene originalne diplome ili vozačke dozvole.

Neblagovremene, nepotpune i nepotpisane prijave se neće uzeti u razmatranje.

**Kandidat je u obavezi naznačiti na koje radno mjesto se prijavljuje.**

Polaganju pismenog odnosno usmenog/praktičnog dijela ispita će pristupiti samo kandidati koji su podnijeli urednu, potpunu i blagovremenu prijavu.

Polaganje pismenog, usmenog i praktičnog ispita će se sprovoditi za poziciju pod rednim brojem 3. i 4.

Polaganje pismenog i usmenog ispita će se sprovoditi za poziciju pod rednim brojem 1.

Polaganje usmenog ispita će se sprovoditi za poziciju pod rednim brojem 2. i 4.

O datumu održavanja pismenog/usmenog/praktičnog ispita za gore navedene pozicije, kandidati će biti obaviješteni telefonskim putem (usmeno) i putem e-maila kojeg (ukoliko) navedu u dostavljenoj prijavi.

Kandidati koji ne pristupe pismenom ili usmenom dijelu ispita, smatrati će se da su odustali od prijave na javni oglas, a svi traženi dokumenti koji služe kao dokaz o ispunjavanju uslova se neće vraćati.

**Kandidati se mogu prijaviti na sve pozicije s tim što se za svaku poziciju podnosi posebna prijava u posebnoj koverti sa traženom dokumentacijom i jasnom naznakom na koju poziciju se prijava odnosi.**

U suprotnom, prijave će se smatrati nepotpune.

Nakon okončanja konkursne procedure, najuspješniji kandidati prije stupanja u rad, dostavljaju Uvjerenje o radnoj sposobnosti.

Kandidati koji su demobilisani borci, članovi porodica šehida i poginulih boraca ili imaju status ratnih vojnih invalida, ili su članovi porodice ratnih vojnih invalida prema propisima koji regulišu oblast boračko-invalidske zaštite, dužni su dostaviti dokaz o ovom statusu, te će imati prioritet u zapošljavanju ukoliko budu ostvarili jednak broj bodova u odnosu na druge kandidate.

Izabrani kandidat/kinja je dužan/na dostaviti ljekarsko uvjerenje o zdravstvenoj sposobnosti prije stupanja na rad.

Prijave na oglas sa potrebnom dokumentacijom u zatvorenoj koverti se dostavljaju poštom ili lično na adresu:

**JKP „ČISTOĆA“ D.O.O. CAZIN**

**Ul. Generala Izeta Nanića bb. - 77220 CAZIN**

**Komisiji za provođenje procedure prijema u radni odnos, sa naznakom**

**„NE OTVARAJ – PRIJAVA NA JAVNI OGLAS“**

Izbor iz reda prijavljenih kandidata koji ispunjavaju uslove oglasa izvršiće se u skladu sa Zakonom o radu F BiH (Službene novine F BiH, broj: 26/16 i 89/18), Uredbom o postupku prijema u radni odnos USK-a (Službeni glasnik USK-a, broj: 7/19 i 11/19), te važećim Pravilnikom o radu JKP „Čistoća“ d.o.o. Cazin, Pravilnikom o izmjenama i dopunama Pravilnika o radu broj: 32-06-47-8/24 od 18.06.2024. godine.



**JKP „ČISTOĆA“ D.O.O CAZIN**

  
**Direktor, Sedin Šišić, dipl. ecc**